

## **Makua - Erooho Ekhotto Soolempwa - SW Intro Scriptures**

**Luka 17:5 Vano arummwa yahaavekela Apwiya wira: ?Munaacererye waamini wahu.?**

**aRooma 10:17 Siiso waamini onrwa ni wiiwa Ehapari Yooreera, vano ehapari Yoreera eniiwiwa alaleiwaka masu a Apwiya.**

**Luka 11:1 Okathi mmosa Yesu aari nipuro nimosa anavekela amalihakaru mwiixutti awe mmosa aahimuhimeerya wira: ?Pwiya, munixuttihe ovekela, ntoko Yohani Mpatisa siwixuttihaly'awe awiixutti awe.?**

**1 Timoteyo 2:1-4 Ehinatthi khul'etthu, kinnootumereryani wira mwiireke mavekelo, mwaavekelelaka atthu othene mwaaxonttelaka n'umuxukhuru Muluku. 2 Mwaavekeleleke mamwene ni makhulupale othene, wira nikhalaneke mukhalelo woomaaleleya ni wa murettele mwa nttittimiho ni mukhalelo wooreera. 3 Okhala wira itthu ila ti yooreera, ennimusivela Muluku, Moopoli ahu, 4 Owo ontthuna wira atthu othene yoopowe, ni esuwele ekeekhayi,**

**Luka 22:31 Apwiya yaahihimya-tho wira: Simoni! Simoni! Mwiwiwe, Satana oovekela wira awehereryeni ntoko aniveeriw'aya meeble muthokwani,**

**MaSalimu 3:1,2 - Yuta 1:9 Hata munkelo muulupale Mikhayeli okathi waavaanyihan'awe ni Satana ewanelaka murutthu wa Monse, khaatthunne omulamula Satana owo ni moolomo oruwana; nto aahimuhimeerya wira: ? Muluku oohukhumuni.?**

**aEfeso 6:12 Siiso, ekhotto ahu khaninwana n'atthu, ninwana n'ikuru ni makhulupale, n'alipa anlamulela olumwenku wa mweepiphini, n'owerya wa minepa sootakhala siri osulu.**

**aEfeso 6:10,11 Tivo, mulipihaneke makhuva mw'Apwiya n'owerya w'aya wuulupale. 11 Nwareke ikaruma sa Muluku, wira nweryeke wiilipiha mwawanaka n'olavelavi wa Satana.**

**aEfeso 6:13-17 Tivo, nware ikaruma sothene sa Muluku, wira nwerye ovilela naphiya nihiku nootakhala ni mukhale oohittikinyeya, numala wira itthu sothene. 14 Tivo, mukhaleke oolikaneene. Mwitthukelele muyuununi esinto y'ekhotto eri ekeekhayi, ni nware vatthirimani nikula n'ekhotto eri exariya. 15 Nave nware ixapattho sanyu, ori wilikhanyiha olaleya ehapari ya murettele. 16 Ohiya-tho vo, nware nikula nowiisaakihano, ori wamini, nenlo nyuwo mukhanl'anyu oowerya ottipiha mavaka othene a mooro wa mutakhali. 17 Nware mmuruni ekapaseeti y'eyuuma ya woopola, ni xoowa a Erooho, yaawo ari masu a Muluku.**

**aHeperi 4:12 Tthiri Masu a Muluku ekumi, t'owerya ni t'otepaxa wiitha**

**onvikana xoowa a khula enamuna oniitha ninno-ninno. Masu awo annivolowa mpakha okawanya ekumi ni erooho, ni mapuro anikhomanyiwa makhuva mpakha muhina mwa makhuva awo, nave annilamula miupuwelo n'ye murima sinuupuwel'aya.**

**Luka 4:8 Yesu ahimwaakhula wira: Volempwa wira: ?Mwaakkohoreleke Apwiya Muluku anyu, mwaattittimiheke yaawo paahi.?**

**aEfeso 6:18 Nvekeleke murohoni mw'anyu okathi wothene ni mavekelo othene oovarela metto; muheleke mmuruni mavekelo awo, nwiriyanaaka oratteene ni muhihiyaka wavekelela atthu othene ooreera murima.**

**1 Samuweli 17:45-47 - Taviti & Goliath**

**Luka 10:17-20 Awiiutti ale miloko mithanu na miili n'anli yaahihokolowa etteeliwe-ene murima nave yaanihimya wira: ?Pwiya, hata minepa sootakhala sinniniwelela mwa nsina nanyu!? 18 Yesu aahiwaakhula iiraka: ?Miyo kaanimoona Satana omoraka wirimu ntoko overunya.? 19 Mwiiwe! Miyo kihooovahani owerya w'onyakatta inowa ni makharnace n'uxintta ikuru sa nwanani, khiivo enwerya owirihani yootakhala. 20 Nto muhitteeliwe murima mwaha wo wiweleliwa ni minepa sootakhala. Mutteeliweke murima, mwaha woolempwa masin'anyu wirimu.**

**2 aKorinto 10:3-5 Okhala wira kinamwi keettaka mweerutthuni nto khaninwanelu mwaha w'omutthu. 4 Maana ikapwitthi sahu sinwanan'ahu kahiyo s'erutthu, nto ikapwitthi sa owerya wa Muluku, wira nipwexakase ipa soolipexa hiyo nikhwelihaka soohimmwa soowootha. 5 Ni wiisoona wothene oniwanana n'usuwela wa Muluku ni onitthukwa muupuwelo wothene w'atthu omwiiwelela Kristu,**

**Matewu 16:19 Miyo kinimoovahani mihulelo s'omwene wa wirimu; etthu p'itthu enrow'anyu otthuka vathi-va, enookhala yootthukeya wirimu, ni etthu p'itthu enrow'anyu otthukula vathi-va, enookhala yootthukuliwa wirimu.**

**2 Timoteyo 1:7 okhala wira Erooho ya Muluku enivahaly'awe khennikhaliha woova, ohiya vo Munepa eyo enninvaha ikuru, n'uphenta, n'upixa murima.**

**Matewu 12:28,29 Miyo koomolaka minepa sootakhala n'uwersa wa Erooho ya Muluku, eyo enthoonyerya wira omwene wa Muluku woophiya wa nyuwo. 29 T'ani onwersa okela mpaani mwa mutthu omwaakha itthu sawe, aahipacenrye omutthuka mwaneene owo? Tthiri amutthukwa vale, taniwersa omwaakha muhaku awe.**

**aEfeso 1:13 Nave-tho nyuwo moorkhalihwa atthu a Muluku okathi mwiiwaly'anyu moolomo a ekeekhayi, Ehapari Yooreera yeeyo yooruuhleni woopowa mwa Kristu. Nave yowoopoliwa w'anyu; nave, nuumwamini wanyu yoowo, mootthittiwa ni Erooho Yooreera yoowo Mululu anlaihenry'awe;**

**Miteko S'arummwa 19:6 Nto okathi Paulo vaawiixathenry'awe matata,  
Erooho Yooreera waahaakhuruwela, ni yaahipacerya olavula ilavulelo  
sotikiniha n'ulaleya ni nsina na Muluku.**

**Marku 16:15-18 Numala aahahimeerya wira: Murowe mulaponi mothene  
mwaalaleerye atthu othene Ehapari Yooreera. 16 Ole onrowa waamini  
khupasitiwa onimoopowa, nto ole ohinrowa waamini onoolamuliwa. 17 Ale  
anrowa waamini anrowa osuwanyeihwa ni ithoonyeryo iya: Mwa nsina  
n'aka enaamoomola minepa sootakhala nave enaamulavula ilavulelo isya.  
18 Yavara enowa wala yawurya murette oniiva khinaakhumelela etthu  
yootakhala. Nave yawiixaatherya matata aretta ala anoopenuwa.**

**1 Yohani 1:9 Nto naahimyakaru itampi sahu, Owo t'oororomelya ni naxariya,  
oononlevelela itampi sahu ni onoonirapiha wa sootakhala sothene.**

**MaSalimu 109:17 - Yakopo 3:10 Mwaano mmosaru munnikhumamo mareeriho  
ni masu ootakhaliha. Axinn'aka, khivanreerela wira viiraneyeke siiso.**

**Judges 16:16 - 2 Petru 2:7,8 Vano aahimoopola Loti, aari naxariya aavela-  
velihiwe mwaha wa makhalelo ootakhala atthu yaale yiir'aya. 8 (Maana  
naxariy'owo, akhala eriyari aya, aanoona aaniwa nihiku-ti-nihiku itthu  
soonanara siir'aya);**

**aEfeso 4:26 Mwananariwa vale mwiipasoope wira muhittheke. Onanariwa  
w'anyu omaleke vahinatthi wiela.**

**aRooma 14:12 Tivo, khula mmosa a hiyo onrowa wiihimya mwaneene oholo  
wa Muluku.**

**1 Yohani 2:23 Tthiri ole ohinimukupali Mwaana, nave-tho khankhala Tiithi.  
Nto ole onimukupali Mwaana, nave-tho onnikhala n'Atiithi.**

**Yohani 14:6 Yesu aahimuhimeerya wira: ?Miyo k'ephiro n'ekekhati n'ekumi;  
khaavo onrowa w'atiithi ahivinre mwa miyo.?**

**Matewu 11:28-30 Murwe wa miyo nyuwo othene mulemeliwe ni muhaaxiwe,  
nto miyo kinimoomumulihani. 29 Mukux eukapatte ekheero aka nave  
mwiixutte sa miyo, kirina murima woomala ni oowiiyeviha, nto  
munoophwanya omumula muroohoni mw'anyu. 30 Okhala wira ekheero  
aka ti yookhwuya nave muritti aka ti wooveya.**

**2 aKorinto 6:2 okhala wira owo onnihimya wira: Miyo koowiwanu okathi  
woophwanelu ni kihookhaliheryani nihiku n'woopoliwa, vano ola  
t'ukhanle okathi woophwanelela, vano ola t'ukhanle okathi wo woopowa,**

**aRooma 10:13 Maana ?ole onivekela nsina n'Apwiya onimoopowa.?**

**Exodus 20:5 - sin cursed to 3 & 4 generations**